



Broj: 01-16-3-3166/19-8  
Konjic, 12.11.2019. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14), člana 38. Statuta Općine Konjic ("Službeni glasnik Općine Konjic" broj: 4/11, 6/11), a na Preporuku Komisije za javnu nabavku broj: 01-16-3-3166/19-7 od 11.11.2019. godine, Načelnik donosi sljedeću:

#### O D L U K U

o izboru ponuđača u postupku javne nabavke

##### Član 1.

Prihvata se Preporuka Komisije za nabavku, broj: 01-16-3-3166/19-7 od 12.11.2019. godine i ugovor za javnu nabavku radova pod nazivom "REGULACIJA REPOVAČKOG POTOKA- 2. FAZA" dodjeljuje se ponuđaču "G P I" d.o.o.; Sarajevska 31; 88400 Konjic, sa ponudom broj: II-2024.10/19 od 28.10.2019. godine, za ponuđenu cijenu, ostvarenu na e-aukciji u iznosu od 240.000,00 KM bez PDV-a, odnosno 280.800,00 KM sa PDV-om.

##### Član 2.

Izabrani ponuđač dužan je u roku od 5 (pet) dana od dana dostavljanja ove Odluke dostaviti originalne ili ovjerene kopije iz članova 45. i 47. Zakona o javnim nabavkama.

Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav 3. Zakona o javnim nabavkama.

##### Član 3.

Ova odluka objaviće se na web - stranici ugovornog organa: [www.konjic.ba](http://www.konjic.ba), u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

##### Član 4.

Ugovorni organ će, izabranom ponuđaču, dostaviti prijedlog ugovora na potpis nakon isteka roka od 15 dana, računajući od dana kada su svi ponuđači obavješteni o izboru najpovoljnijeg ponuđača (osim u slučaju da odluka nije postala konačna zbog uložene žalbe ili je poništena povodom uložene žalbe).

##### Član 5.

Za izvršenje ove Odluke zadužuje se Služba za prostorno uređenje, građenje i obnovu i Služba za privredu, finansije i društvene djelatnosti.

##### Član 6.

Ova Odluka stupa na snagu danom donošenja, i dostavlja se ponuđaču koji je učestvovao u postupku javne nabavke, u skladu sa članom 71. stav 2. Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-16-3-3166/19 od 4.10.2019. godine.

Javna nabavka je sprovedena otvorenim postupkom.

Procijenjena vrijednost javne nabavke bez PDV-a je 261.321,00 KM.

Načelnik Općine Konjic je Rješenjem o imenovanju Komisije broj: 01-16-3-3166/19-1 od 7.10.2019. godine imenovao Komisiju za javne nabavke i zamjenske članove za nabavku radova: "Regulacija Repovačkog potoka-2. Faza".

Na osnovu obavještenja o nabavci broj: 637-1-3-59-3-33/19, objavljenog 10.10.2019. godine, na Portalu javnih nabavki i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda za nabavku predmetnih radova.

Javno otvaranje ponuda izvršeno je 31.10.2019. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 01-16-3-3166/19-3.

Komisija je blagovremeno i pravilno izvršila otvaranje i ocjenu pristiglih ponuda za nabavku radova "Regulacija Repovačkog potoka-2. Faza" o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: pet ( 5 );  
Pristigle su ponude ponuđača sljedećim redoslijedom:
  - 1) PBP d.o.o. Konjic, ul. Donje polje bb do broja 42, 88400 Konjic;
  - 2) GPI d.o.o. Konjic, ul. Sarajevska br. 31, 88400 Konjic;
  - 3) BUJICE d.o.o. Konjic, Stara čaršija bb, 88400 Konjic;
  - 4) GD "RAD" d.d. ,4. Muslimanske brigade bb, 88400 Konjic;
  - 5) HP INVESTING d.o.o. Mostar, Bišće polje bb, 88000 Mostar;
- da je blagovremeno zaprimljeno pet ( 5 ) ponuda,
- da je neblagovremeno zaprimljenih ponuda; nula ( 0 ) ponuda,
- da su ponude ponuđača: GPI d.o.o. Konjic; PBP d.o.o. Konjic; BUJICE d.o.o. Konjic; GP RAD d.d..Konjic i HP INVESTING d.o.o. Mostar prihvatljive, dostavili su svu traženu dokumentaciju u skladu sa zahtjevima iz TD,
- da neprihvatljivih ponuda nije bilo.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 23. TD — najniža cijena ponude:

| R.b. | PONUĐAČ                        | PONUĐENE CIJENE NA OTVARANJU<br>PONUDA<br>(sa popustom i bez PDV-a) |
|------|--------------------------------|---|
| 1.   | " PBP " d.o.o. KONJIC          | 264.953,96 KM   |
| 2.   | " GPI " d.o.o. KONJIC          | 266.284,21 KM   |
| 3.   | " BUJICE " d.o.o KONJIC        | 294.155,80 KM   |
| 4.   | GD " R A D " d.d. KONJIC       | 303.595,52 KM   |
| 5.   | "H.P. INVESTING" d.o.o. MOSTAR | 285.654,72 KM   |

Za ovaj postupak, tenderskom dokumentacijom, bilo je predviđeno korištenje E-aukcije u skladu sa Pravilnikom o uslovima i načinu korištenja e-aukcije ("Službeni glasnik BiH", broj: 66/16). E-Aukcija je provedena putem sistema e-Nabavke na web stranici [www.ejn.gov.ba](http://www.ejn.gov.ba).

Po okončanju e-Aukcija, koja je trajala 8.11.201 od 9:00 do 9:22 min (Izvještaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

| R.b. | PONUĐAČ                        | PONUĐENE CIJENE NA OTVARANJU PONUDA<br>(sa popustom i bez PDV-a) |
|------|--------------------------------|--|
| 1.   | "GPI" d.o.o. KONJIC            | 240.000,00 KM  |
| 2.   | GD "RAD" d.d. KONJIC           | 244.000,00 KM  |
| 3.   | "PBP" d.o.o. KONJIC            | 264.953,96 KM  |
| 4.   | "H.P. INVESTING" d.o.o. MOSTAR | 285.654,72 KM  |
| 5.   | "BUJICE" d.o.o. KONJIC         | 303.595,52 KM  |

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač GPI d.o.o. KONJIC, na osnovu čega je jednoglasno dala Preporuku rukovodiocu ugovornog organa broj: 01-16-3-3166/19-7 od 11.11.2019. godine, da se ugovor za javnu nabavku Regulacija Repovačkog potoka-2. Faza " dodijeli ponuđaču "GPI" d.o.o. Konjic za ponuđenu cijenu u iznosu od 240.000,00 KM bez PDV-a.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača.

Iz gore navedenih razloga, odlučeno je kao u članu 1. ove odluke.

### POUKA O PRAVNOM LIJEKU

Svaki ponuđač koji ima opravdan interes za ugovor o javnoj nabavci i smatra da je ugovorni organ u toku postupka javne nabavke izvršio povredu Zakona ili podzakonskih akata može izjaviti žalbu u pisanoj formi preporučenom poštanskom pošiljkom, u rokovima propisanim članom 101. Zakona o javnim nabavkama BiH od prijema ove Odluke, odnosno pismenog obavještenja o izboru najpovoljnijeg ponuđača, u dovoljnom broju primjeraka, a koji ne može biti manji od tri. Žalba se izjavljuje ugovornom organu - Općini Konjic, Maršala Tita br. 62, 88400 Konjic.

#### DOSTAVITI:

1. Načelniku,
2. Ponuđaču,
3. Službi za prostorno uređenje, građenje i obnovu,
4. Službi za privredu, finansije i društvene djelatnosti,
5. Službi za zajedničke i stručne poslove,
6. Službenik za javnu nabavku,
7. A/a

